

ALLANNGUUTINUT TAKUSSUTISSAQ

Kommunimut pilersaarut Sermersooq 2036

Imarisaa

Aallaqqaasiut	3
Iluseq pingaarneq qitiutinneqartullu.....	3
Qeqertarsuatsiaat.....	3
Aalajangersakkat malittarisassallu	3
Nunaminertamik atugassiineq	4
Inoqarfiit.....	5
Nuuk	5
Ittoqqortoormiit	6

Aallaqqaasiut

Takussutissaliaq 2036-mut Kommunitum pilersaarummut tusarniaareernerup kingorna allannguutini pingaarnernik imaqarpoq. Kommunitum pilersaarut 2036 sapaatit akunnerini qulingiluani tamanut tusarniaassutigineqarpoq, piffissami 11.11.24-mit 13.01.25-p tungaanut. Piffissami tusarniaaffiusumi tusarniaanermut akissuteqaatit 24-t tiguneqarput, taakkulu oqaaseqatigiinnik allannguuteqartitsinermik kinguneqarput.

Tusarniaanermi immikkoortut ilaat 2A7 - Nuussuarmi Nuunnguami inissiaqarfik amerlanernit akerliliiffigineqarpoq. Immikkoortut ilaat taanna pilersaarummit peerneqassasoq Ingerlatsivimmit inassutigineqarpoq, immikkoortoq sanaartorfiunngitsumut 2D1 Nuussuup Nuunnguanut ilanngunneqarluni.

Iluseq pingaarneq qitiutinneqartullu

Qeqertarsuatsiaat

Imermik pilersuineq pillugu nassuiaat ersarissarneqarpoq:

Tusarniaanginnermi	Tusarniaareernerup kingorna
Qeqertarsuatsiaani inoqarfiup kujataatungaani imeqarfimmiit ukioq naallugu imermik pilersuineq pisarpoq. Imeqarfik arfineq marlunnik kujasinnerusumiittumik immerneqartarpoq, naqitsivimmiillu imeq ruujorikkut qerinaveersakkakut imeqarfimmut (imertartarfiusimasumut), imertartarfinnut tallimanut ringimik attavilerlugu nunaqarfimik imermik pilersuisumut maqinneqartarpoq Imermik siammarterinermut aqquiti imermik pilersuinerup annertusitinneqarnerisa kingorna atorunnaassapput. Suliffeqarfiit, tunisassiorfik atuisullu ataatsiakkaat imermut toqqaannartumik attaveqarput. Imeqarfiup killeqarfilerneqarnera aalajangersarneqarnikuuvoq.	Qeqertarsuatsiaani inoqarfiup kujataatungaani imeqarfimmiit ukioq naallugu imermik pilersuineq pisarpoq. Imermik siammarterinermut aqquiti imermik pilersuinerup annertusitinneqarnerisa kingorna atorunnaassapput. Suliffeqarfiit, tunisassiorfik atuisullu ataatsiakkaat imermut toqqaannartumik attaveqarput. Imeqarfiup killeqarfilerneqarnera aalajangersarneqarnikuuvoq.

Aalajangersakkat malittarisassallu

Inissiat angissusaat pillugu aalajangersakkat nalinginnaasut allanngortinneqassapput ilanngaatisat ilanngaatigereerlugit annertussusaata naatsorsortarneranit Tamakkiisumik angissusaanut allanngortillugit naatsorsuisoqartalerpat sanaartornermi malittarisassat malillugit naatsorsueriaaseq atorneqassappat. Tamakkiisumik angissusiliinermi torsusaat iikkallu silissusaat ilanngunneqareersarput soorluttaaq inissiamut ataatsimut angissusaa aamma taamatut. Inissiat assigiimmik inissiat minnerpaaffilerlugit qulakkeerniarlugit minnerpaaffissaat 10 m²-mik ilaneqassapput.

Tusarniaanginnermi	Tusarniaareernerup kingorna
--------------------	-----------------------------

Inissiat uiguleriit quleriillu nutaat aallaaviatigut minnerpaamik quleriinnut nunaminertami suliarineqassaaq nettoarealitut aalajangersagaalluni:	Inissiat uiguleriit quleriillu nutaat aallaaviatigut minnerpaamik quleriinnut tamakkiisumik angissutsit aalajangersarneqartut uku malillugit suliarineqassapput:
Ataatsimik sinittarfilik minnerpaamik 45 m ²	Sinittarfeqanngitsoq minnerpaamik 35 m ²
Marlunnik sinittarfilik minnerpaamik 65 m ²	Ataatsimik sinittarfilik minnerpaamik 55 m ²
Pingasunik sinittarfilik minnerpaamik 85 m ²	Marlunnik sinittarfilik minnerpaamik 75 m ²
Sisamanik sinittarfilik minnerpaamik 105 m ²	Pingasunik sinittarfilik minnerpaamik 95 m ²
	Sisamanik sinittarfilik minnerpaamik 115 m ²

Teknikkikkut atortulersuutit pillugit aalajangersakkat allanngortinneqarput, taamaalillutik napparussuit ataatsimik quleriinnut portussusissaannut killigitamik malinnittariaqarnatik.

Tusarniaannginnermi	Tusarniaareernerup kingorna
...	...
Teknikkikkut atortulersuutitut ilaapput pumpeqarfiit, maqitsiviit, sakkortusaaviit il.il. tunngavimmikkut nunaminertamik 12,5 m ² annerussanngitsut imaluunniit 1 ½ etagemit portunerunngitsut.	Teknikkikkut atortulersuutitut ilaapput pumpeqarfiit, maqitsiviit, sakkortusaaviit il.il. tunngavimmikkut nunaminertamik 12,5 m ² annerussanngitsut imaluunniit 1 ½ etagemit portunerunngitsut. Napparussuit portunerpaaffiliinerni ilaatinneqanngillat.

Nunaminertamik atugassiineq

Sanaartorfissami atorineqanngitsumi inissisimaffiit ilusaallu pillugit immikkut qinnuteqartoqarsinnaasoq ersarissarneqarpoq, sanaartukkamik sulineri siunertamut naapertuuttuunissaata qulakkeernissaanut tamanna pisariaqarpat.

Tusarniaannginnermi	Tusarniaareernerup kingorna
Nunap assingani Kommuneqarfik Sermersuumi sanaartorfissamik aamma killiffiinik allaaserinninnermik imaqqarpoq. Sanaartorfissaq atugassanngortitaasimasinnaavoq, inniminnerneqarsimasinnaavoq, atugassiissutigineqarsimasinnaavoq (nunaminertamik atugassiineq) imaluunniit suli atorineqariaannanngorsimasuusinnaalluni.	Nunap assingani Kommuneqarfik Sermersuumi sanaartorfissamik aamma killiffiinik allaaserinninnermik imaqqarpoq. Sanaartorfissaq atugassanngortitaasimasinnaavoq, inniminnerneqarsimasinnaavoq, atugassiissutigineqarsimasinnaavoq (nunaminertamik atugassiineq) imaluunniit suli atorineqariaannanngorsimasuusinnaalluni.
Nunaminertamik qinnuteqaatigineqarsinnaasunik atugassiissuteqaleriarpat kommune tamanut nalunaaruteqassaaq:	Pilersaarusernermi imaluunniit sanaartorfissagissaanermi najukkami pissutsit sanaartorfissap ilusaanik annikitsumik allannguteqartitsisinnaapput imaluunniit sanaartorneq naapertuunnerusoq qulakkeerniarlugu ilisimatitsisoqarsinnaalluni. Taamaattoqartillugu suliaq immikkut ittumik qinnuteqaatigineqartoq pineqarsinnaavoq, tassani nunaminertamik atuinissamik piginnittoq sanaartorfissami allannguinerit pisariaqartut
Linki: Nunaminertat pillugit saqqummiussineq	
Nunaminertamik atuisinnaatitaaneq niuerutigineqassanngilaq imaluunniit taarsigassarsianut qularnaveeqqusiunneqassanani.	



	<p>nassuiarnissaanut pisussaaffeqarluni. Immikkut akuersissutit sanaartorfissat tamakkiisumik angissusaannut, sanaartukkat allat ungasissusaannut piunasaqammut, aqquerniorfissanut assigisaannullu naapertuutissapput.</p> <p>Nunaminertanik qinnuteqaatigineqarsinnaasunik atugassiisuteqaleriarpat kommune tamanut nalunaaruteqassaaq:</p> <p>Linki: Nunaminertat pillugit saqqummiussineq</p> <p>Nunaminertamik atuisinnaatitaaneq niuerutigineqassanngilaq imaluunniit taarsigassarsianut qularnaveeqqusiunneqassanani.</p>
--	--

Inoqarfiit

Inoqarfiit allannguuteqarfiunerpaajusut tassaapput Nuuk aamma Ittoqqortoormiit. Inoqarfiit allat kiisalu asimut tunngatillugu akissuteqaatit tunuliaqutaralugit oqaaseqatigiinnik minnermik allannguissamut tunngavissiisimapput.

Nuuk

Nigerliup naanerani immikkoortup ilaani 2A7-miittuni inissialionnermut eqiteruffiusussatut siunnersuut peerneqarpoq immikkoortumi najugalinnit akerlerineqartorujussuunera pissutigalugu.

Tusarniaannginnermi	Tusarniaareernerup kingorna
	

Ittoqqortoormiit

Silap tamaani pissusai pissutigalugit immikkoortut ilaat 40D8 Umiatsianut inissiivik peerneqarpoq.

Qimmiliviit imminnut ungasinnissaat isiginiarlugu immikkoortut ilaat 40D5 Qimmeqarfik nutarterneqarpoq.

Aammattaaq iliveqarfiup immikkoortup ilaanut nutaamut 40D2 Iliveqarfik nutarterneqarpoq imeqarfiup killeqarfia qularnaarniarlugu.

